



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

3. An ex eo, quòd totum sit majus suâ parte, concludatur, Concilium esse supra Papam? ubi cavillationes Maimburgi refutantur.

**urn:nbn:de:hbz:466:1-38277**

totâ Dissertatione quartâ ex professo, & luce meridianâ clariùs demonstrabitur.

III. Opponit 14. (a) Totum est nobilis parte, & corpus est nobilis membro, idque non tantum lumine naturali evidens est, sed etiam sancti Patres testantur: S. Augustinus de Baptismo: *Totum suis partibus optimè præponitur.* Et S. Hieronymus epistola ad Evagrium: *Major est auctoritas Orbis, quam Urbis.* Atqui summus Pontifex cum sit caput, est etiam pars, & membrum Ecclesiæ, ergo Ecclesia & consequenter Concilium, quod Ecclesiam representat est nobilior, & superior Pontifice.

Resp. Si ita est, ergo & Synodus Diæcesana est supra Episcopum, & exercitus supra Ducem, & Capitulum supra Abbatem, quia Episcopus est Caput sua Ecclesiæ, & Dux caput exercitus, & Abbas caput Capituli, poteritque Synodus Episcopos deponere, exercitus Duces, Capitulum Abbates judicare, punire, ac etiam deponere; quæ si admittantur, quis non videt solvi omnem Ecclesiasticam, humanamque disciplinam? nam si semel hæc potestas subditis permittatur, sive sigillatim sive collectim sumptis, nunquam causa deerit obrectandi. Imò hoc Maymburgi Principium ejus potius sententiam destruit; quippe Capitis officium est, non solùm singula ac separata membra gubernare, sed universum collectumque corpus: sicut & Belli Imperator non singulis tantum militibus, aut manipulis, sed Universo exercitui imperat, præscribitque quid agere, quid omittere oporteat; & tunc primùm collabi imperium Romanum cœpit, quando exercitus diligendi, deponendique Imperatoris sibi jus vendicavit; tuncque florentissimum stetit, quando, ut sub Octaviano Augusto contigit, unus omnibus imperabat immuni ac securâ Majestate; quod si aliquando penes senatum, Romanum Imperium stetit, modicâ adhuc Republica id fuit; nam dilatata, & Orbem complexâ nunquam bellis civilibus jaçtari desijt, donec summâ rerum unus potiretur: Idem dicas de Ecclesia toto Orbe diffusa, que roties turbata est, ac discordijs scissa, quoties Pontificis imperium aut respuit, aut excusavit; testes Graecia, Anglia, Germania; nec ulla hæresis prodijt, quæ non simul, eodemque tempore DEO rebel-

U. 3

lis,

(a) Maimburgus cap. 25. fol. 242.

Iis & Pontifici fuerit: ipsa Concilia cùm imperare, non obsequi maluerunt, quantas in Ecclesia, & implacabiles tempestates concitârunt? nec priùs composita, quàm redditâ Pontifici obedientiâ, idque in Pisano, & Basileensi Concilijs palam fuit; ergo ut dixi, tam non potest pax in Ecclesia, & Concilijs esse, nisi Pontifici submittantur; quàm in exercitu, nisi uni pareat Imperatori, seque regi patiatur; aut in corpore, nisi à Capite sustentetur, mortuusque accipiat; est ergo, ut dicebam, de ratione ac bono corporis, ut regatur à Capite, non ut regat, & ideo semper magis corpori consultum est, ut qualemque caput habeat, etiam ægrum & infirmum, quàm nullum; & pessimus is Medicus fore, quidem deponi caput, & truncari juberet, quo corpori mederetur; Carnifex haec remedia, non Medici sunt. Imò hoc ipso, quòd Ecclesia est præstantior, nobiliorque Pontifice Romano, non quidem iurisdictione & auctoritate, sed extensione ac fine, ( cùm Papa sit propter Ecclesiam, & propter hanc magis, quàm propter Papam Christus sit incarnatus, ac Religionem, & Sacra menta instituerit, quemadmodum & Rex est propter Populos, & Dux propter exercitum ) oportuit Pontificem Ecclesiae, & Concilijs praefesse, ac imperare, cùm hæc ipsa superioritas Pontificis, & subjectio Ecclesiae ac Conciliorum cedat in maximum bonum, utilitatem, pacem, ac perfectionem Ecclesiae, quemadmodum & Magister est propter Discipulos, & Dux propter exercitus, & Tutor Principis propter Principem, & ideo oportet Magistrum, Ducem ac Tuto rem imperare, discipulos vero, exercitum, ac pupillum subesse, quia videlicet istorum interest, subesse potius regique, quàm imperare, nec aliud magis exercitu, Discipulis, pupillisque noceret, quàm si mallent imperare, quàm obsequi. Nec obstat, quod ridiculè obijicit Maymburgus: Aliam, videlicet, esse Regis Duxque rationem, aliam Pontificis; illos enim esse non tantum capita, sed etiam Dominos, & ideo imperare & praefesse, non subiici, prohibente Christo Dominatum illis verbis: Reges Gentium dominantur eorum, vos autem non si. Quasi vero ad solos Dominos pertineat imperare, & non etiam ad eos, qui licet Domini non sint, jurisdictionem tamen & auctoritatem in alios habent; num Dux à Principe bello præfectus Dominus est exercituum, quos dicit? num Dominus Discipolorum est Magister?

Tu-

Tutor Pupilli, Medicus ægroti, Judex litigantium? & tamen homines superiores sunt, imperantque, alij vero, qui forsan Domini sunt, obedire tenentur; sed Maimburgus non distinguit inter Dominum Jurisdictionis, & inter Dominum proprietatis; Pontifex non est Dominus Proprietarius Ecclesiae, & ideo non potest pro lubitu de bonis seu temporalibus, seu spiritualibus Ecclesiae disponere; est tamen Dominus Jurisdictionis: nec Christus omnem Dominatum in Ecclesia prohibet, sed tantum qualem Reges Gentium usurpare solent, hoc est, cum fastu, pompa & ambitione coniunctum. Rursus prohibet Dominatum Proprietatis, & qui cedat in destructionem Ecclesiae, non verò Dominatum Jurisdictionis, & qui necessarius est ad ædificationem Ecclesiae, qualis videlicet, Judici, Tutori, Medico, Pastorique competit, quem si ab Ecclesia tollas, quid intererit inter Ecclesiam, & Brasiliam? At Ecclesia est totum, Pontifex est membrum Ecclesiae, ergo Pontifex est infra Ecclesiam, & ab ipsa regi, & gubernari debet. Hæc illatio tantum valet, quantum istæ: Caput est membrum corporis, & corpus est totum, ergo caput est infra corpus, & regi, gubernari, ac moveri à corpore debet; Dux belli est caput, & membrum exercitus, ergo regi, judicari, puniri que ab exercitu debet. Admitto Pontificem esse Caput, & membrum Ecclesiae ac Concilij Oecumenici, sed nego propterea Ecclesiae ac Concilio subiici, nec enim est membrum qualemque, sed membrum hieraticum, ac principatum totius motus, ac Directionis spiritualis, de cuius ratione est, ut moveat, & non ut moveatur; ut gubernet, non ut gubernetur, & hoc ipsum ad commodum Ecclesiae pertinet. Deinde Ecclesia ut opposita & separata à Pontifice, tam non est totum, quoniam corpus à capite discindum non potest dici totum corpus; & exercitus ut oppositus ac separatus à suo Duce, non est totus & integer exercitus, sed optimam sui parte minutus, ineptusque victoriae, ac hosti obnoxius. Ex quot vitijs abundat Maimburgi argumentatio? supponit enim, omnem Dominatum in Ecclesia à Christo sublatum esse: nullam esse distinctionem inter Dominum Jurisdictionis & Proprietatis: eum tantum imperare & gubernare ac auctoritatem in, alios habere, qui Dominus est: Concilium à Papa separatum, eiique oppositum esse aut repræsentare totum, & integrum corpus Ecclesiae.

&amp; alia

& alia similia, quæ falsissima omnino sunt. Sicut & illud falso, quod Concilium sit supra Papam, quia vacante sede, aut Pontifice dubio pertineat ad Concilium de Pontifice dubio sententiam ferre, ex quo colligit, Concilium esse supra Papam etiam certum; manifesta enim est disparitas, nam Papa dubius, cum lateat, nec missionem & commissionem suam ostendat, non est caput visible Ecclesiae, cum de illo non constet: nec tenetur Ecclesia ei obedire utpote Commissionem suam non probanti: & quamvis vacante sede decernere, & imperare Concilium possit, quia in hoc casu supremum est in Ecclesia tribunal (sicut capitulum vacante Sede Episcopali) neque possit in rebus fidei errare; cum deficiente Capite visibili a Capite invisibili, hoc est, Christo gubernetur; secus est, postquam Caput visible electum est, tunc enim cessat immediatus Christi in Ecclesiam influxus, qui Ecclesiam suam non aliter vult gubernare, quam per vocem ac directionem Capitis visibilis: quemadmodum ferè quamdiu Populo Israelitico humanus cibus in deserto defuit, cœlesti eum pavit: at ubi Chanaanam ingressis cibus humanus præstò fuit, cœlestis defuit, aliter ergo DEUS Ecclesiam regit Capite visibili destitutam; aliter Capite visibili instruētam, sicut aliter pavit Israëlem, cum humanus cibus defecerat, aliter cum abundabat; aliter Eliam in deserto, aliter in Civitate.

**IV.** Opponit is. (a) Testimonium Pij II. Summi Pontificis. Pius, inquit, II. cum adhuc *Eneas Silvius* vocaretur, ageretque Basileensis Concilii Secretarium, exemplo Doctorum Parisiensium omnem nervum intendit, ut defenderebat maiorem esse Concilij, quam Pontificis auctoritatem: at verò ubi Pontificatum obtinuit, ex rationibus, quas facile quivis imaginari sibi potest, animum induxit, ut mundo palam faceret, se ab ea sententia recessisse, quam olim utpote de meritis ac iustitia causa optimè instrutus ardentissime defendebat. Id per Bullam fecit, in qua retractat, revocatque, quæ Basilea docuerat, & tamen in hac ipsa retractatione non potuit imperare sibi, quin manifesta veritati suffragium ferret, aperiretque utriusque sententia, & quam deferebat, & quam recens complebarebatur, elogium. Enejus verba: tuebamur antiquam sententiam, ille (hoc est Cardinalis) novam defendebat: extollebanus Concilij Generalis auctoritatem, ille Apostolica Sedis potestatem magnoperè commendabat. En ingenuum Pij confessio-

(a) Maimb. cap. 25, fol. 258.